

大乘集菩薩學論卷第十八

會五

受譯經三藏朝散大夫試鴻臚少卿兼大勳業沙門巨昇等奉詔譯

自性清淨品第十四之二

耳觸處得聞其聲若鼻觸處能嗅於香若舌觸處悉嘗於味若身觸處親覺其觸若意觸處則知於法云何十八意所伺察謂眼見色已若生適悅若生憂惱若住於捨如是六根各各緣彼適悅等三是名十八意所伺察大王云何為內地界謂於內身所生硬澀髮毛

爪齒等若內地界不生亦無有滅則無集行大王若時女人而於內身如所思惟彼補嚕沙彼補嚕沙亦生愛樂由二和合羯邏藍生又復如所思惟相似和合而得生者無有是處若二女人無有是處二補嚕沙亦無是處若彼彼思惟而得生者亦無是處自體無實

四末

非相應故云何說此為堅硬性大王此堅硬性相似而立畢竟此身潰爛散滅唯塚壙間是所歸趣彼堅硬性從何所來亦非四方上下而去大王此內地界應如是知

大乘集菩薩學論卷第十七

會四

生彼何所來復成大地厚八萬四千踰繕那縱廣六萬踰繕那復生輪圍大輪圍山堅固安住同一金剛復生蘇彌盧山庾健陀山頹泯陀山伊舍陀山乃至黑山如是三千大千世界次第成已堅固安住若無地界堅硬性生彼何所來大王又此世界欲壞滅時或為

火焚或為水漂或為風吹而此大地為火燒時譬然酥油其焰彌熾乃至煤燼不復可見若為水漂如投鹽水中尋即消壞若為毗嵐風所吹時彼三千大千世界悉皆散壞淨盡無餘大王此外地界生時本空滅時亦空自性空故無有男相亦無女相但唯言說之所

顯示如是地界與地界性皆不可得如實正  
慧而能了知云何內水界若此身內所有執  
受濕潤等性彼復云何所謂涎汗涕唾脂髓  
膿血洩便等物為內水界大王若時忽見親  
愛人等眼中流淚或為苦惱所逼流淚或聞  
深法信重流淚或為寒風所吹流淚如是水

界從何所來水相乾時復何所去乃至此界  
壞時遍興黑雲三十二重彌覆三千大千世  
界於虛空中降澍洪雨點大如象晝夜傾注  
相續不絕如是時分經五中劫其水積滿上  
至梵世大王比大水界從何所來又此世界  
將欲壞時有二日出二日出已小河泉源悉

皆乾竭三日出時無熱惱池流出四河亦皆  
枯涸四日出時大海水減一踰繕那或二或  
三漸次減少至十踰繕那或二十踰繕那次  
第枯竭至八十踰繕那有餘水在或深一多  
羅樹或深至胃臆或深如牛跡乃至少水深  
一指面當尔之時大海中水悉皆乾竭淨盡

無餘大王此水界相生無所來滅無所去生  
時本空滅時亦空自性空故無有男相亦無  
女相但唯言說之所顯示如是水界與水界  
性皆不可得云何身內火界若此身中所有  
執受溫熱等性彼復云何所謂溫暖蒸熱咀  
嚼飲食成熟變壞使令安樂入熱數者名內

會五

火界云何外火界謂不執受溫熱相生若復  
有人於曠野中尋求火緣或以蒿艾或牛糞  
屑或堯羅綿引火生已或燒草木山林聚落  
及餘方處皆為所燒大王如是火界生無所  
來滅無所去從本已來自性離故云何身內  
風界輕動等性彼復云何謂此內風或時上

行或時下行或住腹間或脇或背或發隱跡  
或聚成塊或如刀裂或如針刺出入息等遍  
滿身肢外風界者謂若此風從四方來或緊  
如箭或利如刃若狂暴起摧折林木墮裂山  
峯若微細起飄舉身衣動多羅樹名外風界  
餘如前說云何內空界若此身內皮肉血等

顯現增長離質礙性彼復云何謂若眼竅耳  
穴面門咽喉嚥嗽飲食所引滋味於腸胃間  
通徹而出若時業緣引生六處諸處生已圍  
繞空界此說名入內空界數然彼空界從何  
所來若復外所顯現離質礙性名外空界大  
三若色變壞一切皆空所以者何是虛空界

本無盡故安住不動猶如涅槃遍一切處無  
有障礙大王譬如有人於彼高原穿鑿池井  
於意云何是池井中所有空相從何所來王  
言無所從來佛言大王設使彼人復填以土  
於意云何空何所去王言空無所去所以者  
何是虛空界無去來故不住男相不住女相

會五

大王外虛空界本來無動所以者何自性離  
故如實正慧而能了知  
復次大王云何識界謂若眼根爲主各別所  
緣顯色形色及以表色名眼識界若六根爲  
主緣於六境各別建立名六識界又此識界  
不著於根不住境界非內非外及二中間然

此識界各各了別彼彼事已即便滅謝生無  
所來滅無所去大王識生時空滅時亦空自  
性空故不住男相亦非女相但唯言說之所  
顯示如是識界與識界性皆不可得如實正  
慧而能了知大王云何眼處謂四大種地界  
水界火界風界所造淨色若地界清淨則眼

處清淨若水火風界清淨則眼處清淨何以  
故由地界清淨眼處得生是中無有少法可  
得如是乃至由風界清淨眼處得生是中無  
有少法可得何以故無主宰故無造作故猶  
如涅槃自性淨故大王如是眼處各各尋求  
皆不可得所以者何由地界空故則地界清  
淨乃至風界空故則風界清淨若諸法自性  
本空則彼界何有清淨亦無忿諍若淨若諍  
皆不可得復有何色而可見耶當知眼處畢  
竟空故自性亦空前際後際皆不可得未來  
所造亦不可得何以故自性離故若自性無  
有則無男相亦無女相何有愛樂若生愛樂

是魔境界若無愛樂是佛境界何以故若無愛樂則能遠離一切諸法

大王云何耳處謂四大種所造淨色乃至大王諸法解脫決定現前如法界空不可施設不可顯示不可記別無所希望大王諸根各各樂著境界眼緣色時而生樂著是故說色

為眼境界又此眼根緣於色境有三種相瞞可愛色起於貪想不可愛色起於嗔想非愛非惡而起捨想如是乃至意著法處為意境界若彼意處緣可愛色極生樂著為彼所牽引生貪行不可愛色生於嗔行於愛非愛起於癡行如是聲等三種攀緣領納等相准前

會五

四

應說大王當知諸根如幻境界如夢譬如有人於睡夢中與諸絲女共相娛樂大王於意云何彼夢覺已憶念夢中絲女娛樂為實有不王言不也世尊大王於意云何是人所夢執謂為實為智者不不也世尊何以故夢中所見眾人絲女畢竟無有何况與之共相娛

樂當知是人徒自疲勞念夢中境不復可得佛言大王如是如是如是愚癡異生眼見色已心生愛樂復起執著為彼所牽造貪業行身業三種語業四種意業三種最初造作刹那滅謝不依東方南西北方四維上下中間而住於死邊際命根滅時自分業報皆悉現前猶

如夢覺念夢中事大王識為其主業為攀緣二種相因初識生起或趣地獄或墮傍生琰摩羅界及阿蘇囉若人若天初識生已各受其報同分心品相續隨轉最後識滅名為死蘊最初識起名為生蘊大王當知無有少法從於此世得至他世所以者何性生滅故大

王身識生時無所從來滅無所去彼業生時無所從來滅無所去初識生時無所從來滅無所去何以故自性離故如是了知身識身識空自業自業空初識初識空若滅滅空若生生空了知業縛無有作者亦無受者但名想耳復次大王譬若有人於睡夢中與諸寃

會五

對共相鬪戰於意云何是人覺已憶念夢中鬪戰等事爲實有不王言不也世尊佛言大王於意云何是人所夢執謂爲實爲智者不也世尊何以故夢中畢竟無有冤對何況與之共相鬪戰是人徒自憂惱都無有實佛言大王如是如是愚癡異生眼見惡色即生

於惱厭離破壞毀咎過失造瞋業行餘同前說復次大王譬若有人於睡夢中爲毗舍遮之所燒害心生怖畏癡迷悶絕大王於意云何是人覺已憶念夢中爲鬼所燒爲實不不也世尊夢中畢竟無鬼所惱况癡迷耶佛言大王如是如是愚癡異生眼見是色癡迷

不了造癡業行餘如前說復次大王譬如夢中得聞衆人美妙謔聲篋篋管諸音樂等大王於意云何是人覺已憶念夢中所有歌樂爲實不王曰不也世尊佛言大王於意云何是人所夢執謂爲實是爲智不不也世尊何以故夢中衆人尚不可得何況美妙諸

樂音聲是人徒自疲勞畢竟無有佛言大王如是如是愚癡異生聞可意聲聞已適悅復生樂著造貪業行如是香等各各三種准前應知乃至大王於此法中善自安意應作是念我當云何於人天中爲作眼目爲大燈炬而作照明爲作船師令渡彼岸爲大商主引

至寶處未解脫者令得解脫未安隱者令其安隱未涅槃者令證涅槃大王當知諸根如幻境界如夢凡夫縛著無有厭足乃往過去無量世時有轉輪王名無量稱威德名聞富貴自在統四大洲獨爲尊勝隨所意樂而得受用一切林樹常有花果時世人民安隱無

惱復能降雨衆妙香水金銀珍寶種種資具諸有所須普皆充足忽於一時昇忉利天帝釋天主分座令坐貪欲無厭欲侵其位作是念已即便退沒羣臣圍繞咸共見之譬如生酥置熱沙中不得久住將趣命終今時有王名曰作愛見是事已而作是言我當云何於

諸世間善說斯事時無量稱語作愛言汝於  
未來當如是說彼無量稱貪無厭故自取命  
終乃至是故大王諸根如幻境界如夢當自  
安意勿生信順身如陽燄自性無有色受想  
行自性不實亦復如是

會五

大乘集菩薩學論卷第十八

會六

大乘集菩薩學論卷第十九

自性清淨品第十四之餘

論曰此說依世俗勝義建立諸法當如是知  
若時世尊以一切智觀察世間現證了知依  
世俗說則有六趣若天若人及阿蘇囉地獄  
餓鬼傍生上下種族受報貧富衰盛苦樂及  
以毀譽色無色等種種相生若時如來出現  
世間諸衆生等於善逝所發生淨信樂勝義  
說是時如來爲利衆生如證而說諸法之實  
無有造作無有分別無有知覺無有顯示亦  
無言說如是諸法一切皆空若如是者云何

世尊復說受記無上正等菩提於此法中以  
何爲色復何名爲受想行識而能記別無上  
正等菩提由是了知色本無故則菩提無生  
乃至識本無故亦同是說於諸法中皆無所  
得何名爲佛何名菩提何名菩薩何名受記  
若色色空乃至若識識空但依世俗剎那建

立如是言說但名想耳智者於此勿生嗔惱  
如世尊說諸法實際畢竟無盡彼樂變化天  
不解深義執我爲有亦無障碍世尊復說諸  
法菩提自性離故若能覺了即是親近無量  
菩提所以者何若離菩提則無涅槃若無涅  
槃樂欲則無輪回可怖世尊如樂變化天所  
執有我不可得故况復實際而可得耶時娑  
婆界主聞佛說已即生領解說伽陀曰  
如人夢中飢所逼 縱食百味飽何有  
了斯夢相本來空 諸法自性亦如是  
如人善說諸言論 聞已咸生於愛樂  
若言若愛二皆無 是中不復生疑惑